

Na osnovu člana 66. stav 1. i 2. Zakona o organizaciji organa uprave u Federaciji Bosne i Hercegovine ("Službene novine Federacije BiH" broj: 35/05), članova 9., 38. i 47. Zakona o plaćama i naknadama u organima vlasti Kantona Sarajevo („Službene novine Kantona Sarajevo“ broj 5/19 i 40/22) i člana 110. stav 1. Kolektivnog ugovora za državne službenike i namještenike u organima državne službe Kantona Sarajevo ("Službene novine Kantona Sarajevo" broj: 30/22), uz pribavljeno mišljenje Ministarstva finansija Kantona Sarajevo broj: 08-01-02-51240/22 od 14.02.2023. godine i Sindikalne organizacije državnih službenika i namještenika Zavoda za izgradnju Kantona Sarajevo broj: SO-06/22 od 18.10.2022. godine i SO-07/22 od 11.11.2022. godine, direktor Zavoda za izgradnju Kantona Sarajevo donosi:

PRAVILNIK O IZMJENAMA I DOPUNAMA PRAVILNIKA O PLAĆAMA I NAKNADAMA DRŽAVNIH SLUŽBENIKA I NAMJEŠTENIKA ZAVODA ZA IZGRADNJU KANTONA SARAJEVO

Član 1. (Osnovna plaća)

U Pravilniku o plaćama i naknadama državnih službenika i namještenika Zavoda za izgradnju Kantona Sarajevo broj: 02-2-12754/21 od 31.12.2021. godine (u daljem tekstu: Pravilnik), u članu 3. stav (3) iza riječi prosječne neto plaće isplaćene u FBiH dodaju se riječi: "prema posljednjem objavljenom statističkom podatku".

Član 2. (Dio plaće po osnovu radnog učinka i po osnovu ocjene rada)

U Članu 7. stav (2) mijenja se i glasi:

"Dio plaće koji pripada državnom službeniku i namješteniku po osnovu ocjene rada utvrđuje se za ocjenu "izuzetno uspješan"/"naročito uspješan" 2% od osnovne plaće.
Procenat na ime ocjene rada pripada državnom službeniku i namješteniku na mjesečnom nivou do sljedećeg ocjenjivanja."

Član 3. (Dio plaće po osnovu poslova s posebnom prirodom)

U članu 8. stav (1) mijenja se i glasi:

"(1) Poslovima s posebnom prirodom u Zavodu smatraju se sljedeći poslovi:

a) Poslovi koji podrazumijevaju cjelodnevni rad sa strankama, i to:

1. Stručni savjetnik za imovinsko-pravne poslove 10%,
2. Viši referent za obradu i izdavanje podataka katastra komunalnih uređaja i za administrativno-tehničke poslove 10%,

b) Arhivski poslovi i poslovi prijema, čuvanja i izdavanja materijalnih dokaza, i to:

1. Viši referent za poslove arhive 10%,

c) Poslovi nadzora i praćenje planske dokumentacije i provedbeno informaciono-komunikacionih projekata, stručni nadzor za izgradnju, rekonstrukciju, sanaciju objekata visokogradnje i niskogradnje,

elektroinstalacija i mašinskih instalacija, klizišta, te stručni nadzor nad izvođenjem radova vanjskog uređenja, i to:

1. Pomoćnik direktora za izgradnju objekata i opremanje gradskog građevinskog zemljišta 20%,
2. Šef Službe za stručni nadzor 20%,
3. Stručni savjetnik za stručni nadzor na izgradnji, rekonstrukciji, sanaciji i održavanju objekata visokogradnje 20%,
4. Stručni savjetnik za stručni nadzor na izgradnji, rekonstrukciji, sanaciji i održavanju objekata niskogradnje 20%,
5. Stručni savjetnik za stručni nadzor na sanaciji, rekonstrukciji, održavanju i monitoring klizišta 20%,
6. Stručni savjetnik za stručni nadzor na sanaciji i održavanju klizišta-geologija 20%,
7. Stručni savjetnik za stručni nadzor na izgradnji, rekonstrukciji, sanaciji i održavanju sistema vodovoda i kanalizacije 20%,
8. Stručni savjetnik na sanaciji, rekonstrukciji, održavanju i monitoringu klizišta-geotecnika 20%,
9. Stručni savjetnik za stručni nadzor na izgradnji, rekonstrukciji, sanaciji i održavanju elektroinstalacija 20%,
10. Stručni savjetnik za stručni nadzor na izgradnji, rekonstrukciji, sanaciji i održavanju mašinskih instalacija 20%,
11. Stručni savjetnik za stručni nadzor na izgradnji, rekonstrukciji, sanaciji i održavanju hortikulturnog uređenja 15%,
12. Stručni saradnik za stručni nadzor na izgradnji i obnovi objekata visokogradnje 20%,
13. Stručni saradnik za stručni nadzor na izgradnji, rekonstrukciji, sanaciji i održavanju elektroinstalacija 5%,
14. Stručni saradnik za stručni nadzor na izgradnji, sanaciji, rekonstrukciji i održavanju i uklanjanju objekata visokogradnje, niskogradnje i hidrogradnje 10%,

d) Poslovi planiranja, razvoja i održavanja informacijskih i komunikacionih tehnologija u javnoj upravi koje obavljaju državni službenici i namještenici, i to:

1. Stručni saradnik za informatiku 20%,

e) Poslovi pripreme, izrade i upravljanja izradom planske dokumentacije, izrade faza planske dokumentacije, izrade stručnih mišljenja u vezi s planskom dokumentacijom, vođenje projekata stručnog nadzora-projekt menadžment i poslovi kreiranja i vođenja jedinstvene prostorne baze podataka za plansku dokumentaciju, i to:

1. Stručni savjetnik za izradu elaborata i obračun troškova uređenja gradskog građevinskog zemljišta 5%,

f) Poslovi izrade prostorno planskih osnova i izrada pojedinih faza prostorno planske dokumentacije, priprema investiciono-tehničke dokumentacije za specifične poslove koje obavlja nadzorni inženjer, te projektovanje i razvoj procesa i upravljačkih aplikacija, i to:

1. Šef Službe za pripremu investiciono-tehničke dokumentacije 20%,
2. Stručni savjetnik za pribavljanje investiciono-tehničke i druge dokumentacije za objekte visokogradnje i uklanjanje građevina 15%,
3. Stručni savjetnik za pribavljanje investiciono-tehničke i druge dokumentacije za objekte niskogradnje i uklanjanje građevina 15%,
4. Viši stručni saradnik za pribavljanje investiciono-tehničke i druge dokumentacije za objekte visokogradnje i niskogradnje 15%,
5. Stručni saradnik za pribavljanje investiciono-tehničke i druge dokumentacije za objekte visokogradnje i niskogradnje 10%,

g) Poslovi kreiranja jedinstvene prostorne baze podataka, prostorno planske dokumentacije i katastra podzemnih instalacija, održavanje baze i upravljanje procesima, razvoj i upravljanje integralnim računarskim sistemom, i to:

1. Pomoćnik direktora za katastar komunalnih uređaja 20%,
2. Stručni savjetnik za komunalne uređaje podloge i mreže 20%,
3. Stručni saradnik za kontrolu održavanja katastra komunalnih uređaja 20%,
4. Viši referent na poslovima GIS-a (KKU) 10%.

Dodaje se stav (4) koji glasi:

“Direktor Zavoda obavezan je donijeti posebno rješenje državnom službeniku i namješteniku o postotku uvećanja plaće po osnovu obavljanja poslova sa posebnom prirodom posla.”

Član 4.
(Dodavanje novog člana 8a.)

U Pravilniku, iza člana 8., dodaje se novi član 8a. (Inflacija) koji glasi:

Član 8a.
(Inflacija)

U slučaju općeg povećanja cijena, dobara i usluga, a usljed nemogućnosti povećanja pripadajućih koeficijenata propisanih važećim Zakonom o plaćama i naknadama u organima vlasti Kantona Sarajevo ili Kolektivnim ugovorom, osnovna plaća državnih službenika i namještenika se povećava za procenat utvrđen važećim Kolektivnim ugovorom ili drugim propisom.

Član 5.
(Regres za godišnji odmor)

U članu 10. iza stava (2) dodaje se stav (3) i glasi:

“Državni službenik i namještenik koji nije stekao pravo na puni godišnji odmor, za dane godišnjeg odmora po osnovu navršenog mjeseca rada ima pravo na regres srazmjeran broju dana godišnjeg odmora koje koristi u odnosu na 20 dana punog godišnjeg odmora.”

Član 6.
(Otpremnina)

U članu 18. stav (1) iza riječi u prethodnih pet mjeseci dodaju se riječi:

“bez obzira da li odlazi u starosnu, invalidsku ili prijevremenu penziju, u skladu sa zakonom.”

Član 7.
(Naknada plaće za vrijeme rada sa polovinom punog radnog vremena žene sa djetetom najmanje do jedne godine života i žene koja ima blizance, treće i svako slijedeće dijete)

U članu 21. stav (1) iza riječi ženi dodaju se riječi:

“sa djetetom najmanje do jedne godine života koja radi polovinu punog radnog vremena.”

Član 8.
(Prednost pri zapošljavanju i nemogućnost prestanka radnog odnosa)

U članu 26. dodaje se stav (2) i glasi:

“Državnom službeniku i namješteniku ne može prestati radni odnos bez njegove krivice ukoliko mu nedostaje najviše pet godina do ostvarenja uslova za penzionisanje.”

Član 9.
(Stupanje na snagu)

Ovaj Pravilnik o izmjenama i dopunama Pravilnika o plaćama i naknadama državnih službenika i namještenika Zavoda za izgradnju Kantona Sarajevo stupa na snagu osmog dana od dana objavljivanja na oglasnoj ploči Zavoda za izgradnju Kantona Sarajevo a objavit će se i na službenoj web stranici Zavoda.



Broj: 02-2-1871/23

Datum: 16.02.2023. godine